

نارا وعنمة

شعر
سمير متولى

نور وعتمة

شعر: سمير متولى

لوحة الغلاف للشاعرة

الناشر: مديرية ثقافة كفر الشيخ

التصميم و الإخراج الفنى: محمد الشاعر

الطبعة الاولى ٢٠٠١

مطبعة حكاية كفر الشيخ ت: ٢٣٦٣٢٧

رقم الايداع: ٩٨١/١١٦٧١

حكاية

للطباعة والنشر

كفر الشيخ - تقسيم القضاء ت: ٢٣٦٣٢٧

الهيئة العامة لقصور الثقافة
أقليم شرق الدلتا الثقافي
مديرية ثقافة كفر الشيخ

رئيس مجلس الإدارة
أحمد يوسف العتري
رئيس التحرير
محمد محمد الشهاوى
أسرة التحرير
عبد المطلب أبو طبل
ممدوح المتولى

إلى روح جدتي ((سَعْدَة))
وذكرى ضفائرها الفضية
التي لم تطلع سوى على عابثها..
لماذا لم تعلمي الطفلة معنى المخالب؟!!

حوار مع عرافة

ما أقدرش اكون عرافه يوم
ولا بعرف الحكمه ف وشوشة الودع
لكنى كالطفله امتثلت
وقعدت على الفرشه اللى كَلَحَها الزمن
توب العجوز أسمر طويل
وش العجوز أسمر غريب
قالت بصوت نغمه رتيب :
مدى كفوفك يا صبيه وشوشى ودعى
وسمى
أنا قلت بسم الواحد الرحمن
وشوشت الودع.
قالت " العين " فى طريقك يا بنيه

و " اللام " ف ليل قمره تمام
" واليه " يمام
قلت دا صبي !
قالت " الميم " مادنه بتبوس الأدان
"والحه " حاميكى لم ينام
" و الميم " مطر
" والبدال " دواير دايره لليوم واللى جاى
قلت فين بكره يا خاله دا اللى جاى ؟!
مدت إيديها وبعترت كل الودع
وقالت لى حلمك لسه صورته مبنهمه
ضمى كفوفك وافرديها
نظمى غزلك وقولى واسألى
يمكن بيان ملمح ف كفك يتقرا
أنا قلت مين يقدر يرجع للبكا والفرح والحب القديم عفويته
واللعب ف الميادين وتجميع الطوايع والصور

وجماعة التمثيل وخوفنا من النمر
قالت الصورة ما زالت مبهمه
قلت لها مين ع الحزن يوم كان دلنا
والحلم ليه قبل الأوان طاله الزمن
واتكسرت جوانا قدرة الاندهاش أو القلق
قالت لى دا الزمن اللى دار
وانا قلت زمن المسخ آن
فيه السيوف معروضه وسط الأنتيكات
للزينة مش مرفوعه بإيديين الجعان
آدى الزمن
آدى اللى دار
ها يقولى إيه ودعك يا خاله
وانا شايفه ناسه بيشتروا منفى بوطن
وأنا شايفه ناسه بيشتروا منفى لجسد
وطحينا معجون بالوجع

والصارى ما يرفرفش فيه أحدى علم
لمى الودع ..

وسيبى لى إسمين فى البراءه بيكبروا
يمكن ف يوم أسمع نداهم ف الميدان بيكبروا
لمى الودع.

المدرس .. والخادمه

كنت واقفه ف الطابور
والسما كانت بتبعد ويا أسراب الطيور
والشمس لسه بتستهجي إسمها
-ضموا الصفوف
شفت الندى نايم على ورق الكافور
وسمعت وشوشة الشجر
-حيوا العلم
بصيت على الصارى اللى واكلاه الرطويه
ما لمحت رايه ف السما
ما لمحت غير حبة سحب متبعترين
وقبل ما ارفع صوتى اقول : " فين العلم " ؟ !
نزلت الكف الكبيره ع الخدود

ولقيتني وحدي جوا حوش المدرسه.

الوقت كان وقت الغروب

وانا واقفه ف الشباك بلملم

كل أشكال الصحاب ف الذاكره

تاھت ملامح كنت بحسب إنها

وشم وقدر

مافضلش غير ريحة السميٲ ف الفسحه ورنين الجرس

ما فضلش غير لون الطباشير ع الحيطان

ما فضلش غير صوت المدرس

الكلمة كان ينطقها بالصوت الجهورى

يهزنا

الكلمه كان يكتبها ع السبوره واضحه

مشكله

وفاجئنى صوته م الميدان

وقدرت اميز ملمحه ..

دورت عن لون الطباشير والتخت
ما وجدت غير البنت بين كفيه تصرخ م الألم
صوتى انفرد

ملح الحروف طير حمام البرج فوق سطح الجيران
علمتنى بين الحيطان معنى الكلام
لكن الفرق اللى بين رعدة إيمان ،
أو رعدة م الخوف والألم ..
أوضح كتير من أى كلمة حفظتها
وبقولها بلسان اتجرح
صوتك ماعدش يهزنى
حتى لو نزلت كفوفك ع الخدود
حتى لو أصبحت وحدى ف الميدان متبعتره .

جى ف الوقت الغلط

*إلى محمد متولى عوض " أبى "

طير حمامك يا ولد
فك قمصانك أذان
صدرك داولا غابه الدمع الحلال
فاتح هاويس القول وما بسمع كلام
شايل على كتفك عصاك
وململم الغنوه اللي تاهت من سماك
حطيت رحالك ع الرمال
وفردت بوجة حلمك الساكت ظلال
ناديت وما كل السؤال
رجع الصدى بيعود مع الموج اللي متكسر سكات
واقفه وراك

شايفاك ومش سامعه نذاك
انت اللي قلت لطفله بتقاوح الخررس
السجن مش زنزانه ولا شومه و حرس
دمى ما سالش من كل الألم
ولا سالش من كل البيادات ف البدن
سجاني قلبي اللي انهزم
دمى انفرط على باب رفاقه اتبعثروا من غير تمن
الشوم مش الندبه اللي باقيه فى الجسد
الشوم وشوش بتدارى خوفها ف عبا
مليت انا نقر الشبايك ف الدرا
دقيت على الشيش الموارب
ما سمعت غير صوتى أنا.

طير حمامك يا ولد
فك قمصاتك أدان

فاكر عصافير الكلام اللي انطلق
فاكر هتافك ف المدرج والطرق
والكوبرى ساعة ما انفتح
لما انفرط عقدك ف عب النيل رفاقه ملبسينك بالغضب
من يومها والنيل اللي هربان جوا صدرك
ما نطق
رافض يصالح ميته
رافض يرجع ميته
رافض يمرجح فوق ضفافه مراكب الذكرى
ورق
كان ده زمانك يا ولد
كنت عاشق والزمان مفهوم
وحضنك كان وطن
دلوقتي ليه دمعك سكك
أو قولى ليه نهرك برك

بتقوم ومن تانى حروفك تنكفى
وحمامك الزاجل هديله منطفى
مش دا زمانك يا ولد
جى ف الوقت الغلط .

بعلوان .. ولا نبى

الحبل مشدود الوتر
والحلبه وسعت والوشوش اتسمرت
نقطة بدايه بتترسم
لعبه ومهرج رقصته ف حلق الخطر
لسه ماخطاش القدم
لسه الزمن جواه بيتلفت ورا
وبيختصر طول المسافه اللى بتفصل دمعته عن ضحكته
جسمه ف لحظه بيخذ له
لحظة ما تتفتح ف صدره الأورده
قدامه عمره اللى اتقضى
من طوقه بيدحرج صخور الذاكره
بيزيح ركام الزيف ف لحظه معرفه

واقف وواقفه فوق كتافه الأزمنة
من أول الملح اللي رشوه يوم سبوعه واتنسى
ولحد آخر خط فوق وشه اللي مصبوغ انتهى .

مش بهلوان أعمى أنا
أنا رعية المدبوح بسكين الخيانة ف الخلا
أنا رقصة الحيران ما بين الصوت وترديد الصدى
أنا وقفة المقسوم ما بين إنت .. وأنا .

أنا بهلوان ولا نبى
ليه العيون اللي استباححت دمعتي إديرت
إمتى مسحتوا بالقטיפه الوش وخطوط العرق
كنت القريب ..
لحظة توحد حلمي وجموح الفرس
وقت انسكاب دمي على موس الختان مهر وفرح

تبعد ما بينى وبين خطاويكوا المسافه والزمن
لما انفرط فى الحجر عقد وسبحه وضيفرة ذهب
واطلع مع الصوت اللى بيحنى الأذان
نوار بيشهق فى الجلايب والطرح.

مجنون وبرقص رقصتى
فوق المسامير خطوتى
بجرى ولسه ف مطرعى
سكران ويعرف إن حبل اللعبة هو مقتلى
مش بهلوان ولايش نبى
لاخرجت ف العتمه يناطحنى الوجع
ولا وشى مرغته على صخر الأكم
ولا فط قلبى فوق حصى الوحده ونس.

الوقفه طالت والوشوش متسمره

بينك وبين سجن التراجع فاصله
ما تنزق جسمك م الخروم الضيقه
ما سمعش غيرى فرطه عقدك غنا
ولا شافش غيرى بعتره دمعك صلا
أخرج من اللعبه جريح أومنتشى
أخرج شهيد أومنتمى
ما تشدنيش وياك على حبل البكا
أخرج بسن الرمح م الغيم معرفه
أخرج لوحدك ذاكره .

إيكاروس

الكون بيتجشأ صباحه
بيحل من عشقه ضياه
والشمس بتلم المغارب من على سطوح الزمان
بتقطع الشريان على وش السما حزن وعناد.

البنيت واربت مشربية حزنها
بتابع السرب اللي متشيك بخيط لون السما
عاشقه ومعشوقها السفر
متخضبه شفايفها بلياالى السهر
وعلى الخدود ..
نايمه مواعيد الهوى .

بينها وبين الشمس مفاتيح الكلام
والبنات تعرف سرها
إمتى تعاند ضلها والغيم وأوراق الشجر
إمتى تبوس خد البنات والحجله وهدوم البشر.

الشمس معكوسه ف عنيا ع الدوام
بيراوغ الليل جفتها
وبيسدل الخيمه على سريرها سواد
ويغير من النور اللي بان
من بصة العشق اللي تتراجع قوام
وبيعلن الليل انهزامه ع البيبان
وقت انفلات النور أدان .

الصبح بيصب النهار
والطير بينفض ريشه من قش النعاس

لسه بيتاوب يمام الحلم ع الشفه كلام
والبنت بتلم الحكايه والضيفره من سكات .

الحلم حمل وطبل بينقر ليلاى ف الودان
بيلجم الصوت اللى مرعوش بالخرس
مطلوق على كف السما ف الليل فرس
ناحية طلوع الشمس حلم بينطلق .

وقفوا البنات يتبصصوا
آن الأوان يتحزموا بنار الغناد
طلوا على البنت اللى نور خدها
فردت جناحها الشمعى رفرف حلمها
متجهه للشمس اللى حنت شعرها
ومقريه الشمس اللى مشقوق صدرها
وينقط الشمع اللى دايب

والدمع من حلق انفتح
ويبيلع البحر البدن .
الشمس دارت وشها
ربطت شعورها ف رجليها
هربت هناك من حزنها.

صلا (تدك .. وصلات

طيرتنى هدهد على حد الجبين
وظلقتنى موال على صوتك يميل
وشاورت لى من بعيد :
عدى على زندق وخطينى رصيف
جايلك وشايل غيمة الرغبة حريق
ومصلصله قيود اشتهاياتى على دراع السنين
حملى ثقيل
وشمى دليل
دفة جموحى بتتكسر مرايات صهيل
متعامده شمسك ع الشظايا والمناديل الحرير
خلخالك الفضى بيعكسنى أمير
من غير ممالك أو رعية أو عبيد

مخلوع وعرشه بينسحب دم ووريد
عارى أنا من كل زيف
بقسم معاكى مسافة الدهشه رغيف
وامضغ لوحدى مرارة الشهوه أنين
واقف وقدامى مرايات السنين
صورتين وصوت ..
صوره معكرها انفلات الدم من كل العروق
ملمح مخبيه انفراط الدمع ع الشفه حروف
وانا عارى فوق سجادة الرغبه الجموح
قلبى اتخلع وبينعصر دم ودموع
أيامى قاسمها الجنون
وسنين تقوم بيا وتانى بتتكفى ف العين رجوع
جايلك أنا ..
ما قدرت ابات فوق الطوى
دفعتنى حمى الشوق لحضنك والدفا

طفل وبيرمح ف عينه القوس قزح

جايلك أنا ..

مطرود وأيامي عجوله مغبره

واقف ف نص الغيم أنا

جايلك أنا ..

متمرغه حروفي ف عشق عنكي ضي

ومبعتر الياسمين على زمني اللي جى.

المرامية(*)

إلى "تاج محمد ديب الحو" زميلة حجرة دراسية واحدة
وكوب شاي بالمرامية واحد ربما سنشر به معاً ثانية تحت
سماء محررة بالفعل في فلسطين

النبت عربى

منقوش ف جلايب البنات

مرسوم على صفح الكتاب

رمز وإشاره وحكايات.

قالت نجاح...

لما ريحة المرامية تدق بوابة الحنين

بسمع أبويا المحنى بيقولى بأنين :

كنت قاعد تحت شجرة برتقان

(*) نبات برى ينمو في معظم البلدان العربية خاصة الشام وفلسطين ويستخدم
نفس استخدامات النعناع الأخضر بمصر.

وحسين بينقش اسمه ع الناي بافتتن
وامى بالإبرة بتغزل توب ف لون الاقحوان
ما كنتش بتفرق ما بين الشجره أو بينى ساعات
لكنها ساعة ما تمسك بين إيديها التوب تشوف النمنمات
وتقول فى قبرى كفنونى بتوبى والمراميه وبزهر اللمون
والزعفران
رثونى بالزعر و أوراق الريحان.

ما قدرتى يامه تكملى توبك ولاحتى الكلام
ماسمعتى غير دق السناكى ع البيبان
واترش حبر على الملامح والزمان
وفهمت ليه
كانت إيديكى المضمومين بالتوب لصدرك نور ونار
وعرفت ليه
هزيتى صحبة المراميه ومسكتى الجدار.

قالت نجاح ..

عمرى ماها اتسى يوم تقاطيع الوشوش
كانت يمينى ف إيد جمال
وف الشمال بوجه بلونى اللى اتخطف
منساقه ما بحمل هويه
شايله ف وجدانى حيطان كل البيوت
وف بؤجتى المراميه وشوية صور.

قالت نجاح ..

شفت العصافير ف السما
لكن عصافير " الجليل " ما لمحتها
ما زقزقت على بابى يوم
ولاف يوم ..
نطورت حبات الشعير علشان ما اشوفها قريبه

غير في الجليل.

قالت نجاح ..

أو قلت أنا

الصمت ف عيوننا غضب

وبنرسم المرامية على كل الكتب

حاله خصام

ما بين الكاس وشفه بترتجف شمعته
ما كانش الكاس بيد لدق
ولانطت عروق ف الرقبه ويا الصوت
ما بين اتنين أنا واقفه
وصوتى يمرجح الذكرى
على سبورة الأيام خيال أعمى
بتتوارب ما بين اتنين
سنين الفرح واللمه.

مكتشفه عورات الليالى ع الخداع
ومطرطش الدمع اللى مفروط ع الحيطان
هربان حصان الألفه مفكوك اللجام

صوتى اللى لملمته من الحلق استبن :
(عمر البكا ما يحل كبريت الغناد ، ولا العتاب
ها يرجع الضافر من اللحم اللى هان ، لو كان ما بينكوا اللى
انهزم بس الكلام ، ما كانتش فراشات الصبا حكّت جناحها ف
الجدار)

زمن البراءه بيدى ضهره للنداء
وبيشبط الخفاش ف وش الأغنيات
وبيتنصب فخ انهزام الروح ف بركه من المخاط.

وانت يا واقفه بتشهدى ..

تشهدى

قولى الشهاده وانبشى تحت الحجر
وما تحجليش دى الخيه ليكى بتتنصب
خيطة عنكبوت ع الوش بيحوش الفرع

هى الشهاده وحدها طاقة فرج
انت اصطفتى الحلم ورماكى بالسهم الوجع
انت قبلتى تكونى اول من شهد
وانت اللى كنتى ف النهايه اللى شهد.

صلاة شتايه

الريح بتصهل ف الخلا
بتهاز جوا القلب أحلام الصبا
واللحظه بتعدى بخوف متسحبه
كل البيوت كمشاته فى الليل والدفا
والنور بيتبخر من الشيش للفضا
ناموا العيال قبل العشا
ريحة الصابون فوق المخدات والغطا
لسه شعورهم مبلولين بعد الحما
وبيحلموا بالبمب والعسلية وركوب العجل
ناموا العيال ..
والريح بتصهل ف الخلا .

وفتحت شباكى أبص على البيوت
هربت مع الأنفاس رتابة وحدتى
ولفحنى برد الليل بصمته وعنفوانه ..
رفعت عينى للسما
يا غيم يا حبلان بالمطر
إنزل على وشى ونقر ع الخدود
إنزل على حيطان البيوت
إمسح رسومات العيال
ينزل طباشير الشقاوه وضحكهم ع الأرض
يبيض التراب
إنزل مطر..
إنزل رصاص.

ريحه الشتا جوا الهدوم
والوحده فى ليل الشتا أفيون
والخطوه وسط الليل تخربش ف الرصيف
تخدش سكون الصمت والشوق القديم
وسط الشوارع بنطلق
واطلق من الصدر النفس
يتحرر الضحك البرئ
ويغنى هدهد روحى من غير استحا
واتوضا بالليل والشتا
ويضمنى وسط الضباب الحلم
باتقدم أنا
خطوه أول حلمى
باتدارى أنا .

كانت هدومي مبلولين
وصوا بعى ف جيوبى حطب
عماله اقلب ف المفاتيح والبرايز والورق
طلعت مسودة قصيده فردتها
وقعدت على طرف الرصيف
وقريتها للقطه اللى هزت ديلها
وف لحظه اختفت !

نداهه

بسمع أنينك يا "سميه" زلزله
من بين شفايفك خارج النور بسمله
واقفه ما بين صوتك وصمتي أزمته
ما بين خيول تزحف غضب
وخيول بترقص ف الهرم

بلسان بينشف م الهجير
صوتك بيوصل بيت وبير
صوتك لحد الآن عزيز
صوتك لحد الآن أحد

حبل المشيمه بينقطع
وبتربطى سرة وليد
يمكن بخصلة شعر وانت بتنهجي
أول دما خلق أمم
أول دما وأول إشاره للى متأخر ورا.

يا " أم عمار " بسألك
جاوبينى من تحت الحجر
الحلم ليه ، نداهه بتشد الجسد.

تکعیبة عنب

عناقید عنب متشبهه ف خیط عنكبوت
وبنط اشب ، بهز فرع بینتنی
وعشان ما طول لی عنقودین ..
وقعت تکعیبة عنب!

حظه الحياه

الدنيا فاتحه لى ايديها
ولما بجرى لحضنها
بتغزنى المسامير ف صدرى ..
ويانتفض.

ديل الليالى

علمتى ع الحيطه بكلام
ورسمتى ع السقف الحمام
شيطانه لسه ف غنوتك
ومتبته ف ديل الليالى وذكرى ماتت ف الغناد
وتقضى طول الليل تفتش ضحكك عن شكلها
تتبشنى بنار الخصام
ويركعك ..
كل اللي كنتى بتعشقى حلمه المحال

الرقص في الفراغ

قبضة إيديكي بتفتح
صدمة فراغ كفك كفن
من إمتى وانت بترقصي فوق جنتك
من إمتى وانت بتشهرى درعك وداعه وغشلقه
مش عارفه إنك مستحيل
ها تكونى نص بيتقسم ؟

زهد البوار

وبيجى زمان البنت تبور
تبدأ سوالات الأهل ومصمصة الشفه
تدارى البنت عن الأنظار
وتبص كثير ف مراية الحوض.

وبيجى زمان شوارعنا تبور
عواميد النور المطفية زى الصلبان
ومعشش طير الهم ف عناقيد اللمض المكسوره
تتكعبل ف خيالك لو عديت.

وبيجى زمان الوش يبور
وما تعرف فرق ما بين الزعقه وبين التتويبه
والدمع ان فكر مره وسال
تفرك عينك وتقول دا عفار

وبيجى زمان ولغاتنا تبور
واللفظ اللي تقوله ف عركه يتقال ف عتاب
دا بهزة كتف ..
والتانى بغشلة الصوت

وبيجى زمان أجسامنا تبور
درجات السلم تلزق ف الكعب
وتلاقى البيت اللي صاحبه ..
أبعد م الخل.

وببيجي زمان علاقاتنا تبور

والصاحب بعد ما كان لنا

يبقى علينا

تتقابل وياه بالصدفه ..

وتدارى الوش

وببيجي زمان وجيرانا تبور

والجار اللي اتلقف حزنك قبل ما بتتن

ها تخط على بابيه ف لحظه

يديك بالرجل!!

فارس قديم

فارس قديم تقدر تكون
خارج من التواريخ ومن كتب السير
راكب فرس
تخمش حوافره ف الخراب
جارر وراك زمن الرايات
وتفوح روايح الشهدا ف قميصك أغنيات
تكتب على الرمل بدماك
كينونة الحلم المحال.

لسه على لسانك بواقى الأغنيات
أول خيوط الفجر
تلويحة إيديك المجهد
آخر دموعك
نجم طالل م السما

رجعت ليه كل العقارب للورا
ونصبت خيمة وحدتك وسط الخلا
دقيت وتد
مع كل دقه بينطفئ نجم السما
وتطول مسافات اللقى
بين قلبك الموجوع وبين حد المدى.

دقيت وتد
وما كنش وياك الا صمت الليل وتقل الأسئلة
طاوعت فرسك ف الجموح
شدت لجامه قبل حد الأجوبه.

فارس قديم تقدر تكون
واحد صحيح تقدر تكون
خيطة من حرير اتشد بين الإنهزام

أقدر دلوقتي أنور

أقدر دلوقتي أسرح للعالم شعره المنكوش
وارسمله الوش الممسوح
واتفرج ع المسخ الماسك مفاتيح الكون

الكون ف الأوضه بيتفلقص
بيخبط ف المرايات الملزوقه ف كل الجدران
مسجوننه معاه
برقص وياه
وياموت يا حياه
وينصب نفسى اله
وبحاكم نفسى معاه
وينزل من سقف الأوضه الخيه
وبصب الجاز ع الأرضيه

الخيه

أوراق الشجر الناشفه بتتكسر تحت الرجلين
تدحرج علبه كبريت فاضيه وتدارى جنب الإفريز
وغسيل الجاره بيتشاكل ف سلوك النور

أنا وحدى الليله
وها ارقص على نغمة صوتى
هاشبط ف سمايا وها اتمايل

ها اغرز جسمى ف سواد الليل
وها اشبك كل نجوم السما بالخيط.

أنا وحدى الليله
وجوايا عالم بيفور

٩٤ شارع امدؤ القيس

عديت على بيتنا القديم
ولقيتني ع الباب بفتكر
لسه أول سلمه متكسره
مديت إيديا م الشراعه
فتحت تراسه الحديد
كان الهوا ف البيت ثقيل
والعنكبوت نقرش حيطانه مملكه
ريحه الزمن والقفله ورطوبة البلاط بتزقني
حاولت أخرج ..
سمرتني الذكريات
دققت في لون الحيطان
اتلملت جدرانه تحضن دهشتي
بترد فيها الروح بنفسى ولهفتي

(اختار الأول طعم الموت ، واختار ف الآخر شكل الموت
اتزحلق على دمي وشيل
وريني الوش الحقاني م الوش الزيف
ونا بسجن نفسى صحيح لكنى بصحيح ..
مين فينا الأول ها يزق الحيط
مين ها يرمى عود كبريت !؟

شكل البياض اللي وقع
شكل الهدوم ع الشماعات
أو خربشة ظهر الكراسى ف الحيطان
أقول كمان ؟
وزمن بيشبظ ف الحيطان ويشدنا
يا بيوت زمان يا حنينه
جوايا هربت أسئلته
وقبل ما اوصل للجواب..
رديت ورايا الباب.

وساعتها حسيت بالزمن
وعرفت إن بيوتنا مش مونا وبنا
كل البيوت هي ناسها وشكلهم
ريحة طبيخهم حزنهم
صوت العيال والراديو وأنين اللي موجوع والدعا
شكل السجاجيد والستائر والغسيل
شوق المسافرين والحنين
شكل نظرة عينه على مكتب قديم
انكب فوقه الحبر مره
أو اتكتب على خشبه إسمين ممسوحين
نط العيال م البلكونات
نقرالولد ع الشيش ف وسط الليل
شاي العصارى وانتظار لفته حبيب
لم الكتب بعد النتيجة ف الكتب
لرزق القزاز اللي انشرخ

بحله

بحلم يكون يكون إبنى شهيد
ما يموتش ف الغربه بعيد
مايموتش على مكتب مصدى
ما يموتش مهزوم قبل منى
ما يموتش ف الضلمه وجاره بيكتحل بالجوع ونام
ما يموتش قبل ما اكون وراه
واسقيه بإيدى بق ميه
تتوضى روحى مش إيديه
يبقى ف عنيا ولد
ينفخ نيرانى اللى انطف
يفهم لغاتى اللى انعمت
يبقى ابن أمه فتحت

الحلم .. الكفه

وبينتحر فى الوطن
وبشوف جنازتى والكفن
وكتاف تنقل ف البدن
جسمى المندى ع الخشب
خنقتنى ف الزحمه الحنوط
مخلوطه بروايح البخور
مخلوطه بروايح العرق
عماله ابص من الشقوق
عايزه ألملم ف الوشوش
حببت - لآخر مره - اشوف
ما لمحت وش انا بعرفه
مديت إيديا أرق بيهم ف الخشب
طلع النفس ..
وحاصرني موت .

كان لسه فى حلمة الصغير يشتري كوره كفر
كان لسه فى إنه يعيش
حتى لو مزنوق فى آخر دكه فى الفصل البعيد

كام أم وقفت والمواكب ف الشوارع تنطلق
بينهم وبين حب الوطن
صور العيال الغرقانين
والبلاعات المفتوحين !؟

الأمهات والبلاجات

إنتوا اللى خافين مننا
لا بتطلعوا ف الليل تعسوا
تشوفوا مين نام النهارده بدون عشا
ولا حتى تتقلب جنوبكم م القلق
على العيال المزنوقين وسط الدكك
ولا تقدرُوا ف الحر مره تقيّلُوا تحت الشجر
صوتكم بينطق باللغات الحيه ولغات ميته
ولاجه ف بالكم إنكم
تتسئلوا ع الدابه اللى وقعت مش ولد
غرقان ف بلاعة الوطن
يمكن ف لحظة رعب إيده بتنسلت
وقبل ما يزيحه الطوفان
بص بعيونه ع السما
كان لسه فى ألعاب كتيره ها تتلعب

اصيف وقطر

ونا كنت فاكراه ان المحطات علشان السفر
أو زى أفلامنا القديمه
البنات واقفه والدموع نهريين الم
منديل يشاور من بعيد
والقطر صفارته زمن
وولد ف شباكه يبعد يبقى نقطه ف الفضاء
لكنى دلوقتي بقول
إن المحطات عشق مجهول السبب
بعشق كثير استنى ويا الناس مواعيد السفر
وببقى صاحبة شكلهم
وبادى لو شوشهم أسامى وحكايات متلفقه
ويصفر القطر السريع
مستعجلين ف جريهم

بخاف منه إيه

أنا مش بخاف من كركبة كل الكلام
ولانكشة الشعر اللي مليون بالتراب
لكن بخاف ..

من نظره مهزومه تقابلك بأتكسار
ومن عيون

متعلقين ع الوش زى وسام مصدى
لحرب كانت من زمان
أنا بخاف م الإنهزام.

اختصار

لو تختصر جغرافية العالم يجوز
لو تختصر كل التواريخ ف النقط
برضك يجوز
حتى الرويات والقصايد تختصر
لكن مشاعرك مستحيل تحصرها ف شوية نقط
ازاي ها تفقد تختصر شئ انكسر
أو شئ كبير جواك ف لحظه وانهزم
الاختصار
لحظة برود علميه ما تمسش بشر
عايز نقول
إقفل قواميس اللغة
او عك تحاصر أي لفظ ها يبقى ضدك
أو ها يبقى صدمتك.

ملوا الكراسى كلهم
ومفیش مسافر ظل من شباكه ودع وقفته
أو حتى شكل رصيف زهق م الانتظار على سلمه
الناس بتجرى من اللى فات
عايزين يشوفوا..
يمكن اللى هاييجى ببقى ف صفهم.

يا عيال بتكبر قبل ما يؤن الأوان

زمن الكبار..

مش بس بدله

ولا جزمه بكعب عالى ولا مشيه بدلال

ولا طوق صغيره بينفرد يملا الكتاف

ومش حزام يتشد على خصر استبان

ولا قميص مفتوح ومواعيد الغرام

زمن الكبار..

هو زما تكوا اللى عرف

شكل العقاب.

شكل العقاب

يا ستاير الذكرى انزلى
اتهزى أكثر وافردى ضحك العيال
هما العيال بس الشقاوه والعناد
هما العيال بس الكور "والسبعوية"
وانتظار شكل العقاب
ولا العيال
هما لللى ف عنيهم بيضحك حلمهم
ويطير يمام فوق دمعهم
أحلام كبيره مرفرفه
مش مستحيله
دى ممكنه.

جايه منين ؟!
يا بنت وقعت ف الحفر
شبت تشوف كذب العيال
وف لحظه هربت م العتب
جايه تصالحي بهجتك
وطفوله باشت ف الزمن
من تانى تقعى ف الحفر
تقفى قصاد كذب العيال
وانت ف كدبه بتكبرى ؟!
أنا اللي راجعه بعترف
لحظة مكاشفة اتأخرت :
[عايشه ف كم المريله
وف شورت كوره مقطعه
ف عفار بشاوره صغيره
وف طعم توت المدرسه

اعتراف

الليل ونيس كل البنات
وف حجره بيخبوا الكلام
وبيرتفع همس السكات
ونا زى ملايين البنات
خبوا الرسايل ف الكتب
خبوا وجع ظهر اتقطم
الفرق إني ع الورق
سرى انكشف

راجعه أنا
من دنيا هربت ف الكتب
من صوت مغشلق ف الطرق
يسألني سوالات مبهمه

كان مديها لك ؟

إنت ساعة مغربيه مواريه فيها الشمس ضحككتها الحزينه
تتهز فيها ستاير الشبايبك مع النسمة الجريئه
تنفك فيها رموز على صدرك كلام
مين علمك تفتح هاويس الخوف وتنبتش ف التراب
تنفخ طباشير العناد
يبيض رمشك م العفار
وانت اللى قادر تفرش الدنيا ف عنين كل البنات
أوقات قرنفل مستحى
وساعات نجوم مرميه ف زوايا الحيطان
أو حتى جمر بينظفى تحت الكعاب .

وف قص شعري اللي اترمي

ف هروبي وراكتف العيال

لو شفت بنت بتضرب

وف جزمة الصبيان

ورجل بتكعب [

الاعتراف ..

لحظة تطهر من ذنوب ما عملتها

لحظة صدام الطفله بزمان انتهى

كان مين معاك ..
لما طلعت المادنه بتدور على صوتك " بلال "
ورميت مكبر صوت مغشلق
رن ع الأسفلت
حاصروك بالجنان

كان مين معاك ..
والطيارات بتدك أسفلت المدن
وانت ما بين أربع حيطان وبتنتظر
أعزل فى وسط الملصقات والا ستكرز
ومن " الرشيد "
صوت المراسل منكسر
وكتبت على كل الحيطان
صورة شهيد
هاتربى إبنى
حتى لو مهزوم وطن

كان مين معاك ..

لما هربت الفجر من صمت الحيطان
واتكاتروا على صوتك كلاب الحى ردوك لليبيان
ووقفت ماسك بالإيدى ف حديد لبوابه وحيد ف الفراغ .

كان مين معاك ..

لما حفرت ف ضلمة الليل الخنادق كلها
ورجعت متعفر وعرقك ف الكتاف
وحلفت بالليل والوجع وبدمك الناشف ف كفك
إن بكره للغلابه والعيال .

كان مين معاك ..

أو مين وراك

أو مين حلف ..

لا يخط من سيرتك ملاحم تتحكى

لعيال بتفرك جفنها تحت اللحاف

يمكن ف يوم تحكيها ف زمان مختلف

تحكيها لما يخلصوا حواديت زمان

كان مين معاك ..

لما صليت ف " المدينة " الفجر فى رحاب النبى

وابنك على الباب حلمه طال

حواليه ملايكة يسبحوا

حتى ما اتقلبش من صوت الجموع

والله أكبر فوق سريريه اتجمعت

مليون جناح أبيض يطبطب ع الولد

كان مين معاك ..

ف بلاد بتعرف تفتح الدراعات وتأخذك من أساك

وبلاذ بتعرف

قبل ما توضيك تدنس روحك اللى شايلها ف البؤجه بعصاك

السوق كبير
والبياعين اتزنقوا
والخيش شماسى اتقطعوا
وقفت تبص على البيوت
على المناشر والهدوم
اتهز ف عنيه القميص
شالت المشنه واختفت

على المراه وشها
نفخت عفار على رمشها
جت تمسح الصهد اللى نازل ع القزاز
مسحت ملامح وشها .

كانت ههنا ك .. ولا ههنا؟!

كانت ههناك ..

شباك ف بيت طرف البلد
والليل بيرفى ف السما ديله العنيد
نبحت كلاب ف الضلمه على واحد بعيد
وهى ف الشباك وصوتها اللى اتنبج .

على كتفها طفل اتتنى
نايم بيحلم بالفضا
شبابيك بتفتح شيشها ف الغيم للمطر
رفعت ايديها تعدله ..
لسعت كفوفها نجوم على شعر الولد .

طفله بتحبي ع العجين
وتلخبط النقش الرتيب
تعمل عروسه صغيره
وتلفها بشاش الجروح اللي اتنسى
يقولوا لها موميا محنطه
يرموها للبط الجعان
ويسكتوها بالحطب !

كانت هناك ..
بتهاز جذع النخلة ما وقعش الرطب
ع الرمل نامت م التعب
نار القوافل انطفت
والليل ستاير من حديد
وف بقها طعم الصدا

مولد كبير وبيتنصب

ف النار يتنفخ جاز ينور ف السما
على ضهرها نغز الدبابيس والإبر
مرعوشه دارت ع الكفوف
خطوا لها ف الرق .. الزلط !

ما كانتش بتحب الحصار والاسئلة
لكن ساعات الليل بتقعد تفتكر
تعتقد سلوك النور مشائق للبشر
تفضل تقلب ف الوشوش
ما تلاقى آخر اللعبة إلا وشها
وحده ف خيه وشها .

حلم ضمه حيط وباب

إنت وشوش كل البنات ف شارعنا واحنا عيال نخطط ف
التراب ، وانت صبيه كنت بستنى خروجها ببده كحلى ،
وقصه للشعر اللى بيهزه اشتياق . فاكّر عنكى الملفوتين لعنيا
وسلام بارتباك ، فاكّر شقاوة ضحكك وسط البنات ، واللفته
قبل ما تدخل بيتكم ويا خدك من عيونى .. حيط .. وباب .

كانت هناك

ولا هنا ؟

الأُسْر

مسجون سجن سجاته
أربع عيون وحديد فلق قضباته
مخلوطه براويح المعافره دماهم
بصوا ف لحظه من الحديد
واتصاحبوا من بعد العداوه

رساله

شدى رسمك من خلايا الذاكره
إمحي حروفك من دفاتر لعبنا
ما تحاصرنيش بالذكرى وليالى الصبا
وما تكتبنيش إسمى على ظروف المحبه المهمله .

وحریر خدوده و ملمسه
عایزه تشوف
ازای ها یبقی ملمحه
تسمع له صوت
حتی لو کان البکا
مش نقر جو البطن بخیا به و عبط
واللحظة بین الموت و بین شکل الحیاة ..
دنیا جدیدہ بتتولد

نورا .. وعلمه

سامعه وليد

لسه قاطع رحله بين نور الحياه

وعتمة البطن اللي جواها اتحنى

مطلوق من الزنقة النبيله للفضا

والكون ملامحه مضببه

تزرى أطراف الوليد

ويخربش الوش الطرى

صرخة ميلاد ...

ولا ندهه للدفا

كل أم بتتنتظر لحظة خروج كل الوجد

لا يدين طريه صغيره

وقטיפه الجسم الندى

يمكن ف لحظه فقيه على سجادة السلطان

نطق

وف لحظه تبقى أمير ومن وسط الممالك

إنخلع

ما عادتش صورته ها تنطبع

على عمله فضه أو ورق

ولا حتى على صدر الجوارى والزمن

وها يسوى إيه ..

صوت ارتطام الوش ف ضلام الخضوع

إنك تشب

وجو قلبك ألف سلك وألف سور

ودموعك المكفيه تبلعها الجفون .

وها يسوى شئ

أو كل شئ

لو إن روحك عمرها ما تكون ف يوم

حبة عكاره والبدن تقلان هموم

التمه

وها تسوى إيه لحظة غضب
على صديق خطفه الزمن
واتشد من قلبك كدا من غير تمن ..

ولا بتمن
إنك تكون أوقات قرنفل ف الجيوب
أو جمر بيدوس ع القلوب
أو تبقى درويش قلبه حى بينتفض
ويحن ع الطير والحجر
لكنه أوقات الأكم
بيخربش الأسفلت ومسام البدن
أو تبقى وسط صحابك الدهشة بغضب
تبقى الحطب ..

أوقات دفا ف ليل انفرد
وساعات ف حلق بينكسر .

ونا بنت هربت للجبل
كان لى أبوه بدون تمن
ف الصبح برمى له السلام
ويقوله خليك يا " ضمك " *
حبيته زى ما حبنى
وكرهت إيريال فوق جبينه غزنى

ونا كنت بلعب ف التراب
ما اعرفش إن اللعب أصبح خريشه
خفاش بيشببط ف الوشوش
أو خيه لبراءة الخدود .
ونا مش ها أموت
قبل ما أرقص رقصة الموت الأخيره
أحس لحظه أنى عنيده

* ضَمَك : اسم جبل فى منطقة عسير فى المملكة العربية السعودية

العزقاء

أنا مش ها اموت
قبل ما تعفر هدومي سكتك
ومش ها اموت
قبل ما تصدق حدودي وشهقتك
قبل ما تصدق وجع بنت انفرد
كانت بتلعب ف التراب
وبتبنى ع الأرض السكك
حاصرتها لحظه من الزمن
تحت الجلود عرق اتقفل
تختار وهي مجبره
إما تطبش ف الغبا
أو تنهزم جوا اللغه

رانيا

طفله بتهرب م اللغة
ما نمتش على شكل الحواديت م التعب
ولا لونت شال الأميره ع الحيطان
ولا طيرت ع السقف عصافير الكلام
ولا قاوحت الليل والنعاس
أو باندماش سألت سؤال :
[إزاي تصاحب بنت فار ؟!]
إزاي بيتكلم شجر ما لهوش لسان ؟!
هو الأمير اللي اتسخط لسه حصان ؟!
ما هربش صوتها اسئله
بتنام على صدر اللعب
وتمرغ وبر

واسمع لصوتى رد مش ترديد ندا

أعرف ف لحظة انى هنا

عنقاء هاتسمعنى أنا

هاتلم ويايا التراب

ويا الرماد

ويا الحصى

عضمى ها المة واتنسى

ونا مش ها أموت

قبل ما تشوفنى أنا

رانيا اللي سرقت من وشوش كل البنات كل البراءه كلها
لكن صباها بينسرق
كانت بتتهجى الوجع
ف طروف ايديها وف ارتعاشه جسمها
لها أبجديه لوحدها
ما كبرش صوتها ف الفصول
ولا مرة نطت ع التخت .

ف الفجر كانت وحدها
لسه العروسه ف حضنها
م الحمى دايب شكلها
رانيا بتشبك شعرها
وف ريشه العصفور بتهرب للفضا

الأمهات ليها ريحه بتتعرّف
حتى الرضيع
يقدر يميز أمه من بين البشر
وهي بس لوحدها
بتكن ف الحضن الدفا
لو كان عروسه مقطعه
أو صدر بنت ف سنّها .

كل اللي محرومه من وجع المخاض
كانت تشوفها بنتها
كانت بتطلع من مشيمة حلمها
وأموه تاهت ف اللغه
صوتها يرفوف ف البطون
ويبل طمي الحلم لوليد ينحضن

خبطت ف وشى صوابع الإيد الخشب
واتا حزنى كان أبيض ورايق
حزنى ما كاتش من الغضب

الريح بتقلع ف الهدوم
وبتستحمى بالمطر
شايفه الطحالب ع الجمل
ونا بالضواقر والفزع
بكحت لوحدى ف الوبر
بصيت عليكى ...
دلقتى على جسمى العسل
والرعب نحل بينطلق
وف صدرى قنفذ ينغرز

الحكما قالوا من زمن

أول فرح وآخر زيف

أول ما شفت ايديكى بالابرة عرفت
أول ما خرمتى لرضيع الودن دوخت
قشه على ضهرى انكسرت

إنت وأنا ...

كنا بنكبر فى اختلاف الأسئلة
جوايا سلك مكهربك
جواكى كيميا مصدمه
كنتى اهتزاز وهج السراب
خايل ف لحظة بصتى
فزاعه من قش انتفش
واقفه ف أرضى بتتمشق

ولشهوة الموت النفير
ما يفسره إلا الأسير
إلا اللي متغطي بهجير
وبانتحار لحظة صبا

ونا مش براءة كدبتك
أنا مش طزاجة دهشتك
أنا أول الفرح الجميل
وأنا آخر الزيف الغبي

الأصدقاء...

دلّاه على صدر الوطن
وطيور على سن الجبل
تبنى لها عش بعيد بعيد
وتدفى صوتها بالزغب

الأصدقاء

بيصبوا مرايات ف الصدور
ويشكوا بالإبرة الشموس
يزرق وشم على الجلود
ويكبرك نبل الأكم

الأصدقاء

عكاز لقلب بينكسر
على حب أول أو أخير

القميص

دم الخيانه بيعترف
لسه الخيوط دبلاته من شكل العرق
ريحه عفار اللعب لسه بتنفرّد
لا اتمزع الكتف البرئ
ولا من سنان الكذب شدوه ف الخلا
لكنه لحظة ما انخلع كم القميص
بص بعيونه ع السما
ما صرخش م البير الغويط
ولا حزنه جرح وشهم

نفس القميص اللي اعترف
على ضهره شهقه بتنفضح

المسافة

شهقة الروح اللى هربت م الفخاخ هى انتعال الكذب لبقارة
غناك

أو هى آخر بصره على كلس العناد
هى تهتك موتك المعن على ريش اليمام
هى الغمام

بیشقه برق الذكريات
ومفیش ولا نقطة مطر
ومفیش عتاب

شكل الخيانة يختلف ما بقاش صريح
وما عايش بقعة دم
ولا قطعة قميص

والإيد عجوله بترتعث
تخمش ف ضهر بينقلت
رغم اللي شاهد مش غريب
فزع الخيانة اتمد ميل
وما عادش يفرق سجن
أو مرمى ف بير

اتفك كتان القميص
واسود دم الكذب ف خيوط السنين
لساه ما بين لحم وضوافر مستكين
بقعه بيشر بها الخلا لو يعوى ديب

راجع القوافل من بعيد
والدم نزامن الضوافر سخن على الرمل الحرير
من فين بتبدأ صرخه فى الليل أو تضيع

كان الغنا
والجمر بينور خلا
والصوت بيطلع للفضا
ويا طقطقة البخور والمستكه
ينقش سجاجيد السما
جدران معابد مشرعه
تراتيل بتشيك ف المدى طقس الوجود

كان الغنا
شكل الكمامه الخنقة على بق الجمل
وزيد ما تعرف أو دموع
بتغرق الحبل اللى مجدول
تتبعثر الأوجاع حروف

العرس والخيام

ولمين بيهمس رمل فى لحظة مغيب
ولمين غناكم يا صبايا وشخللة ذهب العريس
ولمين بيطلع م الوتر فرح النخيل
(الرقص على رمل الصحارى شهوة الضيف والمسافر
والغريب)
كان الغنا

يشبه سخونة الدم على رقبة حصان
له شكل حنة عرس ف كفوف البنات
أو طعم قهوة غربه
ولساتك بيوصف شكل أستاذك زمان
وتزق ريحه الهيل ف صدرك ذكريات وبعيد وطن ،
وعينيك ف فنجانك نايات

لصبيه صوتها يحنى عودي

يارقص على وش الزمان

وغنا بيغزل تل بان

أنا صوتى بح

وجسمى باش

ريحه غنام

هي دكاكين العطاره وشكلها

وزحمه الريحه الجميله

ف ريحه تشبه للعرق

أو زى ما تكون التواريخ كلها

جبدت قميصك وانت مش لاقى النفس

مصبوب غنام ع الجبل

والفضه سخنه بتندلق

يمكن تكون حلق الأميره اللي اختفى

أو مكحله ، لعيون بنات مستنظره

طالع غنا ورقص العواجيز العفيه للفضا

بيشبكوا التجاعد كفوف

ويقشروا فسدق حكايات الجدود

ويضللوا على فرحه بكر

بتدى من فوق الكتاف أحلى الوعود

جرى العيال جنب الطابور
تقليد هتافهم زى ما يكونوا جنود
وابقى افكر.

رسمه جميله لبنت جامعه البرتقان
ووراها شجره وأرض خضرا ف الفراغ
إوعى تنسى شكل أستاذ الحساب
لما حاصرك بالسؤال
وعصرت مخك بالجواب
أو أبله الرسم اللى شطبت رسمتك
وقالت لك العصفوره أكبر م العيال
وانك ضحكت ...

ماسيتش اللون والقلم
ورسمت لوحك كلها
عصافير ترقزق ف الفضاء
وابقى افكر

ابنى وونس الزاكره

واتا قلت لابنى
بلاش تضيع صورة دخول المدرسة
وابقى افكر...
شكل رجلين العصافير ع التراب
الصبح بدرى جوا حوش المدرسة
قبل ما يهدوها أقدام العيال
بالجرى والتنطيط ولعب البلى أو شد الحبال
وابقى افكر...
بوابه وحديد اتبرى
ريحه الصداق المريله
وطابور جنود الصاعقه فى صبح الشتا
شكل البخار اللى بيطلع من صدورهم للفضا

شكل الحصان
مجروح ومرضه بينضرب
لما طبشت ف برك
وخطفت كرباج انفرد
واتك بكيت ظلم البشر
ابقى افتكرو...
دى الذاكرة هي الونس

٤٩	١٦- فارس قديم
٥٢	١٧- الخيه
٥٥	١٨- ٩٤ شارع امرؤ القيس
٥٨	١٩- الحلم .. الكفن
٥٩	٢٠- بحلم
٦٠	٢١- الأمهات والبلاعات
٦٢	٢٢- بخاف من إيه
٦٣	٢٣- رصيف وقطر
٦٥	٢٤- إختصار
٦٦	٢٥- شكل العقاب
٦٨	٢٦- اعتراف
٧١	٢٧- كان مين معاك
٧٦	٢٨- كانت هناك ولا هنا؟!
٨١	٢٩- حلم ضمه حيظ وباب
٨٢	٣٠- رسالة
٨٣	٣١- الأسر
٨٤	٣٢- نور وعتمه

الفهرس

٧	١- حوار مع عرافة
١١	٢- للمدرس والخدمة
١٤	٣- جى ف الوقت الغلط
١٨	٤- بهلوان ولا نبى
٢٢	٥- إيكاروس
٢٦	٦- صورتين وصوت
٢٩	٧- المرامية
٣٣	٨- حالة خصام
٣٦	٩- صور شتويه
٤٠	١٠- نداداه
٤٢	١١- تكعيبة عنب
٤٣	١٢- حضن الحياه
٤٤	١٣- ديل الليالى
٤٥	١٤- الرقص ف الفراغ
٤٦	١٥- زمن البوار

٤٩	١٦- فارس قديم
٥٢	١٧- الخيه
٥٥	١٨- ٩٤ شارع امروء القيس
٥٨	١٩- الحلم .. الكفن
٥٩	٢٠- بحلم
٦٠	٢١- الأمهات والبلاعات
٦٢	٢٢- بخاف من إيه
٦٣	٢٣- رصيف وقطر
٦٥	٢٤- إختصار
٦٦	٢٥- شكل العقاب
٦٨	٢٦- اعتراف
٧١	٢٧- كان مين معاك
٧٦	٢٨- كانت هناك ولا هنا؟!
٨١	٢٩- حلم ضمه حيظ وباب
٨٢	٣٠- رسالة
٨٣	٣١- الأسر
٨٤	٣٢- نور وعتمه

٨٦	٣٣-التمن
٨٨	٣٤-العنقاء
٩١	٣٥-راتيا
٩٤	٣٦-أول فرح وآخر زيف
٩٨	٣٧-المسافه
٩٩	٣٨-القميمص
١٠٢	٣٩-العرس والخيام
١٠٦	٤٠-ابنى وونس الذاكره
